

BOSNA I HERCEGOVINA
FEDERACIJA BOSNA I HERCEGOVINA
TUZLANSKI KANTON
GRAD GRAČANICA

PREDLAGAČ: GRADONAČELNIK

RAZMATRA: GRADSKO VIJEĆE

OBRADIVAČ:
SLUŽBA ZA PODUZETNIŠTVO, LOKALNI RAZVOJ
I FINANSIJE
ODSJEK ZA BUDŽET I JAVNE NABAVKE

IZVJEŠTAJ
O DUGU GRADA GRAČANICA
ZA II KVARTAL
2026.GODINE

Na osnovu Zakona o dugu, zaduživanju i garancijama u Federaciji Bosne i Hercegovine, Pravilnika o izvještavanju i objavljivanju informacija o dugu i garancijama izrađen je Izvještaj o dugu Grada Gračanica za II kvartal 2026.godinu.

Termini korišteni u godišnjem izvještaju o dugu, a na osnovu definicija utvrđenih u Zakonu o zaduživanju, dugu i garancijama BiH, imaju sljedeća značenja:

Dug je finansijska obaveza za pozajmljena novčana sredstva nastala u skladu sa aktom o preuzimanju finansijske obaveze.

Akt o preuzimanju finansijske obaveze je pisani sporazum, ugovor, prospekt ili drugi finansijski aranžman koji sadrži uslove pod kojima je dužnik dobio sredstva od povjerioca ili odredbe kojima se regulira otplata pozajmljenih sredstava, kao i drugi finansijski aranžmani u skladu sa zakonom na osnovu kojih za dužnika nastaju finansijske obaveze.

Dug grada/općine je unutrašnji i vanjski dug grada i općine

Dugoročni dug je dug koji se otplaćuje u roku dužem od jedne godine od dana zaduženja

Kratkoročni dug je dug koji se otplaćuje u roku kraćem od jedne godine od dana zaduženja

Vanjski dug je dug prema inostranim povjeriocima plativ u stranoj valuti

Unutrašnji dug je dug izuzimajući njihov vanjski dug

Garancija je preuzeta finansijska obaveza u vidu jednostrane pisane izjave izdavaoca garancije ili dvostranog sporazuma zaključenog između izdavaoca garancije i korisnika garancije da izdavalac garancije plati dospjelu, a neizmirenu obavezu, u slučaju da dužnik, koji ima primarnu obavezu za izvršenje dospjele finansijske obaveze osigurane garancijom, nije izvršio takvu obavezu.

U II kvartalu 2026.godine Grad Gračanica ima i dalje aktivna četiri kreditna zaduženja i to po kategoriji duga 3 unutrašnja i jedan vanjski dug.

Vanjskom dugu Grada Gračanica kod Evropske investicione banke (EIB) pristupilo se donošenjem Odluke o prihvatanju kredita Evropske investicione banke (EIB) od strane Općinskog vijeća broj: 01-05-05154-2011 od 28.12.2011.godine za projekat „Poboljšanje vodosnabdijevanja općine Gračanica i dogradnja kanizacionog sistema općine Gračanica“ u iznosu od 2.275.319,00 EUR odnosno 4.450.137,16 KM, sa rokom otplate 25 godina, 6 godina grace period.

Unutrašnji dug Grada Gračanica nastajao je donošenjem Odluka Gradskog/općinskog vijeća o zaduženju i to:

- Odluka o davanju saglasnosti Gradonačelniku da može izvršiti zaduženje grada za realizaciju započetog projekta PKSC – Bazen Gračanica u iznosu od 2.000.000,00 KM, broj:01-14-04847-2019 od 26.12.2019.godine, period od 6 godina i 6 mjeseci grace perioda,
- Odluka o davanju saglasnosti Gradonačelniku da može izvršiti zaduženje grada za realizaciju započetog projekta PKSC- Bazen Gračanica u iznosu od 1.200.000,00 KM, broj: 01-11-04584-2021 od 31.12.2021.godine, 5 godina i grace period 6 mjeseci
- Odluka o davanju saglasnosti za dugoročno kreditno zaduženje na ime infrastrukturnih projekata u iznosu od 2.300.000,00 KM, broj: 01-11-05050/2023 od 27.12.2023.godine, 5 godina rok otplate uz grace period od 6mjeseci,
- . Infrastrukturni projekti za koje je donesena odluka o zaduženju su:
 - 1.Projekti vodosnabdijevanja u iznosu od 970.000 KM i to:
 - vodosnabdijevanje u Mz Lukavica u iznosu od 300.000,00 KM,
 - vodosnabdijevanje u Mz Škahovica u iznosu od 250.000,00 KM,
 - vodosnabdijevanje u Mz Donja Orahovica u iznosu od 70.000,00 KM,
 - vodosnabdijevanje u Mz Miričina u iznosu od 50.000,00 KM
 2. Sanacija ulice Alije Izetbegovića u iznosu od 300.000,00 KM
 3. Izgradnja mosta prema PKSC Gračanica u iznosu od 500.000,00 KM
 4. Nabavka vatrogasne cisterne u iznosu od 350.000,00 KM
 5. Kupovina zemljišta u iznosu od 180.000,00 KM

- Odluka o izmjenama i dopunama Odluke o davanju saglasnosti za dugoročno kreditno zaduženje iz 2023.godine, broj: 01-11-02642/2025 od 01.07.2025.godine kojom su sredstva namijenjena za kupovinu sajmišta preusmjerena u izgradnju mosta kod Etivaže.

Naime, Grad Gračanica je od Federalnog ministarstva razvoja, poduzetništva i obrta dobilo sredstva u iznosu od 300.000 KM na ime kupovine zemljišta za sajmište. Ukupna vrijednost projekta kupovine zemljišta iznosio je 530.000 KM I to 300.000 KM finansiralo bi se iz granta, 180.000 KM iz kreditnih sredstava i preostali potrebn dio iz budžetskih sredstava. Grad Gračanica je raspisao javni poziv za kupovinu zemljišta uvažavajući zakonsku regulativu i uslove pod kojima su dodjeljena grant sredstva. Imenovana komisija od strane gradonačelnika je pripremila i objavila Javni poziv za dostavljanje pisanih ponuda za kupovinu zemljišta 21.03.2025.godine na web stranici Grada, Radio Gračanici a u dnevnom listu Oslobođenje i na oglasnim tablama Gradske uprave 24.03.2025.godine. U ostavljenom roku nije bilo pristiglih ponuda tako da su grant sredstva morala biti vraćena. Obzirom da je veći dio finansiranja ovog projekta nosio grant i da je vraćen, preostali iznos sredstava kreditnih i budžetskih preusmjeren je u izgradnju mosta kod Etivaže. Preusmjeravanje kreditnih sredstava u iznosu od 180.000 KM sa projekta sajmišta na izgradnju mosta kod Etivaže uz izdvojena budžetska sredstva u iznosu od 360.000 KM značajno se doprinijelo rasterećenju u saobraćaju.

- Odluka o izmjenama i dopunama Odluke o davanju saglasnosti za dugoročno kreditno zaduženje iz 2026.godine, broj: 01-11-02509/2026 od 26.06.2026.godine kojom su sredstva namijenjena za izgradnju mosta kod PKSC-a u iznosu od 500.000 KM preusmjerena na sanaciju ulice Alije Izetbegovića tako da pod tačkom 3. odluke o zaduženju iz 2024.godine – Izgradnja mosta prema PKSC Gračanica stoji 0, a pod stavkom broj 2. sanacija ulice Alije Izetbegovića stoji 800.000 KM.

Naime, u 2026.godini planiran je grant u iznosu od 250.000 KM, 500.000 KM kreditnih sredstava te 200.000 KM budžetskih sredstava na ime projekta Izgradnja mosta kod PKSC-a. Nakon provedenih procedura javnih nabavki za idejni projekat te glavni projekat mosta i pristupnih saobraćajnica na rijeci Sokoluši došli smo do saznanja koja utiču na realizaciju samog projekta na zamišljeni način i što bi u slučaju planiranih rješenja bilo neophodno izvršiti druge pripremne radnje kako bi istom pristupili a što zahtjeva određeni period. Obzirom da nismo ostvarili planirani grant od Federacije na ime istog projekta te da smo imali zaleđena kreditna sredstva te budžetska sredstva u iznosu od 700.000 KM a s druge strane smatrali smo neophodnim obezbijediti sigurnost djece, učenika srednjih škola koja do škole putuju autobusom zbog čega je predloženo da se izvrši preusmjeravanje sredstava planiranih iz kredita i budžeta za ove namjene u iznosu od 700.000 KM na način 500.000 KM na sanaciju ulice Alije Izetbegovića obzirom da očekujemo brzo završetak idejnog projekta za istu i da već imamo obezbijeđenih 300.000 KM za ovu ulicu što bi ukupno iznosilo 800.000 KM a preostalih 200.000 KM budžetskih koja su bila „zaleđena“ za ovaj projekat mosta preusmjerena su na rješavanje prostora iza sportske dvorane PKSC Bazen sa izgradnjom.

Stanje ukupnog duga Grada Gračanica na početku i kraju godine:

Ukupan dug Grada Gračanica na početku 2026.godine iznosio je 4.941.053 KM. U drugom kvartalu 2026.godine u skladu sa otplatnim planovima banaka vršene su otplate te je sa 30.06.2026.godine stanje duga po kreditima 4.306.178 KM. Od svih aktivnih kreditnih zaduženja po Odluci o kreditnom zaduženju za infrastrukturne projekte iz 2023.godine sa 31.12.2025.godine ostalo je nerealizovanih sredstava u iznosu od 1.037.000 KM.

Kada je u pitanju kredit kod Evropske investicione banke (EIB) koji ide po posebnim procedurama sa 30.06.2026.godine prema podacima Federalnog ministarstva finansija i podacima o angažovanim sredstvima kredita povučena/realizovana sredstva kredita iznose 1.579.343 EUR odnosno 3.088.928 KM, što je u istom iznosu kao i sa 31.12.2025.godine.

Tabela 1.

R.br.	kreditor	stanje duga po glavnici	
		01.01.2025.	30.06.2026.
1.	Evropska investiciona banka	2.357.806	2.298.379
2.	Intesa San Paolo Banka	317.699	127.785
3.	Intesa San Paolo Banka	457.374	321.796
4.	Unicredit banka	1.808.174	1.558.218
	ukupno	4.941.053	4.306.178

Struktura ukupnog duga po instrumentu, ročnosti, kategoriji duga, vrsti kamatne stope:

Tabela 2.

R.br.	Struktura ukupnog duga Grada Gračanica	30.06.2026.godine
1.	Ukupan dug grada po instrumentu	
	vrijednosni papiri	0
	kredit	4.306.178
2.	Ukupan dug grada po ročnosti	
	kratkoročni	0
	dugoročni	4.306.178
3.	Ukupan dug po kategoriji duga	
	unutrašnji	2.007.799
	vanjski	2.298.379
4.	Ukupan dug po vrsti kamatne stope	
	fiksna	2.007.799
	varijabilna	2.298.379

Kada je u pitanju struktura zaduženja Grada Gračanica po instrumentu zaduženja grad je zadužen samo po osnovu kredita kod banaka i to na ime dugoročnog zaduženja. Sva četiri aktivna zaduženja odnose se na infrastrukturne projekte sa periodom otplate dužim od godinu dana.

Kada je u pitanju kategorija duga imamo

- vanjski dug kod Evropske investicione banke (EIB) na ime projekta „Poboljšanje vodosnabdijevanja općine Gračanica i dogradnja kanalizacionog sistema općine Gračanica“. Stanje duga po ovom kreditu po na dan 30.06.2026.godine iznosi 2.298.379,00 KM
- unutrašnji dug kod tri komercijalne banke na ime infrastrukturnih projekata. Stanje duga po kreditima unutrašnjeg duga je 2.007.799,00 KM.

Kamatne stope po kreditima kod komercijalnih banaka po osnovu unutrašnjeg duga su fiksne a po osnovu kredita kod Evropske investicione banke (EIB) kamata je varijabilna. Kamatna stopa kod komercijalnih banaka po kreditima :

- kredit iz 2020.godine sa fiksnom kamatnom stopom 2,05% godišnje i efektivnom 2,09% godišnje,
- kredit iz 2022.godine sa fiksnom kamatnom stopom od 2,11% godišnje i efektivnom kamatnom stopom 2,047% godišnje,
- kredit iz 2023.godine sa fiksnom kamatnom stopom 2,20% godišnje i efektivnom kamatnom stopom 2,20%.

Kamatna stopa po osnovu kredita kod Evropske investicione banke (EIB) je varijabilna i vezana je za EURIBOR. Federalno ministarstvo finansija polugodišnje ispostavlja nam fakturu za uplatu kamate preračunatu u skladu sa važećim euriborom i povučenim kreditom iz određenih tranši uzimajući u obzir i maržu.

Tabela 3.

R.br.	KREDITOR		KAMATE	
			otplaćene kamate u II kvartalu 2026.godine	stanje obaveza po kamatama na 30.06.2026.
		kredit		
1.	Evropska investiciona banka	3.088.924	34.157	883.543
2.	Intesa San Paolo Banka	2.200.000	980	545
2.	Intesa San Paolo Banka	1.200.000	1.878	4.134
3.	Unicredit banka	2.300.000	8.940	52.871
	UKUPNO	8.788.924	45.955	941.093

Ukupno povučeni kredit i vanjski i unutrašnji sa 30.06.2026.godine iznosi 8.788.924 KM

Ukupne kamate otplaćene do 30.06.2026.godine iznose 623.256 KM. U II kvartalu 45.955 KM otplaćno kamata.

Ukupno stanje obaveza po kamatama na 30.06.2026.godine iznosi 941.093 KM.

Ukupno otplaćene kamate do 30.06.2026.godine po osnovu vanjskog duga iznose 333.276 KM,
Ukupno stanje obaveza po kamatama na 30.06.2026.godine po osnovu vanjskog duga iznosi 883.543 KM

Ukupno otplaćene kamate do 30.06.2026.godine po osnovu unutrašnjeg duga iznose 289.957 KM od čega u II kvartalu 2026.godine otpalaćeno je 11.798 KM

Ukupno stanje obaveza po kamatama na dan 30.06.2026.godine po osnovu unutrašnjeg duga iznosi 57.550 KM.

Grad Gračanica nema izdatih i aktiviranih garancija.

JU Bosanski kulturni centar, Centar za socijalni rad i Dječije obdanište u skladu sa Zakonom u dugu, zaduživanju i garancijama u Federaciji Bosne i Hercegovine prema dostupnim podacima iz dostavljenih obrazaca nemaju duga u kontekstu Zakona o dugu, zaduživanju i garancijama u Federaciji Bosne i Hercegovine.

JP Vodovod i kanalizacija, Komus prema dostupnim podacima iz dostavljenih obrazaca JP Komus i ViK nemaju duga u kontekstu Zakona o dugu, zaduživanju i garancijama u Federaciji Bosne i Hercegovine.

Prema podacima iz službenih evidencija Grad Gračanica nema obaveza iz javno-privatnog partnerstva kao ni dospjelih a neizmirenih obaveza po kreditima.